

罪  
惟  
錄



靖江王守謙父文正

靖江王守謙，初名熾，高皇帝長兄南昌王孫，大都督文正子也。文正不得封，其子文正少孤，母王守節艱難，依太祖時。太祖未有子，撫如己子。文正頗涉傳記，有才畧，為人勇敢，亦深摯。從渡江，定建康，太祖私語見且官汝。文正曰：「爵賞未彊，場急見無以服衆。」太祖善其言，以從征，功擢樞密院同僉，改院為大都督府。文正為大都督節制中外諸軍事。時南昌甫定，而康泰等叛，南昌行省叅政鄧愈走歸，旋命徐將軍往定之。念非骨肉重臣，莫可守。文正統元帥趙德勝、協愈、都督洪都、選儒士郭子章、劉仲服為參謀。

已而漢友諒親率舟師六十萬困南昌。文正計諸將分門守。而自提精銳二千往來巡督。敵冒竹盾當矢石。突擊壞城三十餘丈。文正急礮走之。隨豎柵內蔽。敵來爭柵。且擊且築。達旦城完。寇所以為攻具無不至。而文正所以為捍拒之計亦無不至。晝夜無寧刻。歷八十五日。力竭。諸名將趙德勝而下。率被殘。屬邑烽信絕。時太祖方定安豐。還攻廬州。千戶張子明請潛出。乞援金陵。而圍密不得聞。有捨命王者。失其名。願以身殉漢。緩其攻。遂出詐友諒。大都督且奉表臣漢也。圍稍解。子明於是乘間從水關出。還至湖城。為友諒所執。勒降城中。子明佯許諾。至城下。正言以勵。

守者友諒殺子明。越月，太祖帥師二十萬，相持彭蠡湖。友諒食盡，掠糧都昌。文正授方畧，盡燔其舟。漢師敗，友諒死。上以文正守南昌，功居多，死事。趙德勝自有傳，而先沒。武桓死者十有四人，皆以文正之義。是時上命鄧愈徃定南贛。文正分城守之，軍助愈。尋文正不善居功，以親貴驕，或奪民婦女不用者，投井中。斷無罪訟者，舌所用牀榻，僭飾龍鳳。上手書責之。文正慙惧。按察司李飲冰遂以文正欲叛降吳密聞。上驚曰：「噫，見乃為賊！」促諸南昌，呼文正城下。文正不意上至，倉卒出謁，載歸建康。群臣請伏法。上曰：「吾兄惟此見，吾不忍誅。」子章仲服并斷其所部足脰五十餘。

人免文正官安置桐城尋命往荊州築城還或又言文正  
出語不遜上意頗不測馬皇后曰此兒止是性剛凶他腸  
令其母尚存亦念初乘亂相扶持意上曲赦之命往濠州  
省墓夜復與從者嘖上有繁言從者歸言上遂廢之召  
其子語之曰鉄柱無恐我終不以汝父故廢汝鉄柱守謙  
小名也未几文正卒洪武三年封守謙為靖江王國桂林  
桂林城獨秀山前有元順帝潛邸改為王宮邸王官屬視  
親王次等九年之國上表謝上覽表為泣下勅從臣善導  
之嘗出知東平州守謙復不法怨望作詩訛刺廢為庶人  
使田鳳陽守謙曰不願為王力田足矣帝曰鉄柱無福閱

七年復其爵鎮雲南遣其妃之弟徐溥誠以璽書乃益貪  
暴召還京安寘鳳陽不省召至京撻而錮之子贊儀嗣王  
永樂中遣之國贊儀恭慎好學能書三十年使省視十三  
王諸叔父擇文武忠孝之士從贊儀嘗問長史蕭用道古  
好名云何用道曰名之與實猶形影也王當好實薨謚悼  
僖子佐敬嗣正統初與奉國將軍佐敏相訐奏以黃金六  
條饋楊榮被詰責成其使人于邊再傳約騏以孝聞病瘡  
屢着道士衣冠夜出市子經扶嗣經扶好學嘗為敬義之  
箴薨厯邦寧仕昌履燾任晟四王晟立廟于國祖南昌初  
給銀印宣德中改印黃金塗明末王子亨歎應襲失寵他

子以愛篡立。誣訟亨歎于官。收獄中。會唐藩即位。福州篡  
王不奉詔。輒弄兵。以原提兵楊國威為先鋒。時廣西巡撫  
都御史瞿式耜節鉞梧州。篡王投書奉尚書印。強之。式耜  
不從。執式耜歸。幽之別室。奪其原印。而廣總制兵部侍郎  
丁魁楚奉命督提兵陳邦傅往討之。篡王聞之。懼。遽釋式  
耜。幽還其印。式耜密令國威故部焦璉為內應。及邦傅兵  
至城下。璉猝起。縛國威。以篡王入闕。王半道暴卒。國威伏  
法。而亨歎出獄中。得立為靖江王。論功。封魁楚平粵伯。邦  
傅掛征蠻將軍印。庚寅。北師定南。王孔有德以兵破桂林。  
式耜及侍郎張同敞死之。亨歎及二子若春若昇皆死。國



永曆中追贈亨欽一字玉若春靖江王若昇將軍

論曰馬皇后知文正曰此兒止是性剛無他腸帝非不知文正而為後世計固本切寧弱支曰以安文正而意實禳秦晉燕周以下即以李飲冰之諧南昌不違吳其疑易解且所犯以親貴驕或亦援宥所云乘亂相扶持造明者誠烈矣蓋王之小國不事之以不忘南昌八十五日之勤乎文正卒洪武三年以前即非有他故性剛不堪屈抑輒自促耳鐵柱怨望或以是故終錮之帝初曰不以父故廢汝率以父故廢汝也明末靖江孽有篡王亨欽者是則有他腸非文正之所宜為後也欽靖江



懿文皇太子四王

虞懷王雄英吳悼王允燭衡愍王允燧徐哀王允燾

虞懷王雄英懿文皇太子次子母開平王女未封年十四

薨追封并謚

吳悼王允燭讓皇同母弟懿文皇太子三子也封杭州未

之國燕王入國降封燭廣澤王居漳召還以不能匡惠廟

削爵為庶人銅鳳陽卒英宗復辟出其姪眷僅庶母姊好

五六人有年八十餘者弘光初復原封謚悼

衡愍王允燧懿文皇太子第四子未之國燕王得立降封

燧懷恩王居建昌亦以讓皇故削爵為庶人銅鳳陽後英

宗出之年八十餘。猶衣破緋袍。坐受中官拜曰。吾家小奴  
爾。弘光初。漢原封謚愍。

徐哀王允熲。懿文皇太子第五子。建文中。以皇弟封。八歲  
耳。燕王入國。降封敷惠王。隨母守皇太子墳園。永樂初年。  
詔曰。帝王之道。立愛惟親。為子不祗。不及於父。朕長兄懿  
文皇太子。降年弗永。厥子嗣立。崇信奸回。顛覆舊章。戕害  
骨肉。朕遵奉祖訓。將除君側。以究周公之義。少主自絕於  
天。闔宮赴火。長兄諸子。允熲。允燾。允燿。並錫王封。不意弗  
省。自生疑難。朕念至親。免為庶人。用保全之。長兄未有承  
祀。朕痛切心。其改封允熲。甌寧王。世奉太子祀。展言同氣。

庶盡親、又二年、即中火。王燮暴薨、年十六、謚哀簡王、  
為人聰慧而端謹。弘光初、漫原封于原、謚減一字。

論曰：懿文之哀、祈晉王、桐、得免罪、復爵。知其于鶴、鶴之  
義最篤。乃燕王之于皇太子、何如也。使非學士劉三吾  
等置秦晉二王、何地一語。皇太子、何必死于晉。繼生有  
四王、而卒主祀、無其人。徒祠祭署之奉祀、專之。至不得  
與哀、冲、莊、敬、蒞、伯、代、祭、同、例。觀萬曆中、太常謝杰所奏、  
知涼、薄、從、永、樂、時、始、之、矣。雄、英、早、世、弗、論、虞、王、允、燭、衡、  
王、允、燮、徐、王、允、燮、降、封、改、封、祇、以、塞、天、下、萬、世、公、議、蓋  
不、能、述、彌、建、文、一、語、早、貯、帝、胸、中、急、俟、封、後、發、之、矣。夫



惠宗一王

原懷王文圭

原懷王方二歲，燕兵入宮，有乳媪負幼兒，牽燕王衣哭。匍匐求食，曰：兒飢，兒飢。燕王頗心動，事在皇太子文奎傳中。弘光初，追封加謚。

論曰：時諸鎮無足恃者，獨西平懸萬里外，頗能獨制。讓王不凶，讓王凶，潛走滇南，以空名挾大義而起，捲土重來，亦半壁之謀也。徒以僧題詩金竺之間，誰寒之矣。即否，程濟輩果能彷彿嬰曰故事，抱二孤，覓藿尋民依之。一成一旅，或以幾如康之業，亦一說也。而西皆不能則。





太宗

二王

漢王高煦入叛逆

漢王高煦成祖第二子母徐皇后初以燕王子封高陽燕

王即帝位進封漢王狙詐多智以材武自負也初太祖嘗

召諸王子學京師王獨嬉逐學不進既與世子入祭太祖

小祥舅氏魏國輝祖密奏高煦悍無賴必負陛下請留京

即勿遣輝祖弟增壽及駙馬都尉王寧力庇之竊魏國廐

馬不朝辭馳去過涿州殺驛丞甲管民無辜死者數燕王

兵起從戰白溝東昌有功歷城侯盛庸逆戰浦子口燕師

却高煦適引胡騎至燕王奮鉞起撫高煦背大呼兒為舅

力高煦殊死戰大敗庸師燕世子仁賢膚體克盈而王長

七尺餘、輕趨、挽千鈞、兩腋若有龍鱗者、數片、燕王以類已、  
愛之、及得國、議立太子、淇國公丘福與都尉王寧素、暉、高  
煦、功高、煦宜立、上以學士解縉言、不果立、高煦嘗從上田、  
射、生多、二鳥、竝柯、連中之、上喜、漢王技至此乎、解縉從旁  
對曰、所為賢王者、孝、友、慈、仁、為藩國、長、挽、強、命、中、一、加、七  
之、能、也、願、陛、下、勿、為、王、譽、世、子、由、是、得、立、為、太、子、王、封、漢  
國、雲、南、快、曰、我、何、罪、放、萬、里、改、青、州、又、以、瘡、土、不、即、國、從  
上、北、平、數、離、間、太、子、誣、解、縉、等、於、上、至、徵、太、子、師、傅、皆  
繫、獄、而、縉、竟、為、王、寤、死、獄、中、久、之、請、得、天、策、軍、為、護、衛、曰、  
唐、太、宗、天、策、上、將、不、意、我、亦、得、之、自、以、比、唐、秦、王、又、請、兩

護衛益恣多不法永樂十四年上巡北平王數濫取無罪人投之江漆革為舟以習水戰造大量收祿米縱護衛軍強入民間貨財亦復肆掠長史瑛典膳岐鳳直諫王怒附繫之詔獄兵馬指揮徐野驢執治漢府不法人王手鐵椎椎殺野驢借用天子車服上南還怒王褫其冠衣囚繫西華門數日行誅之皇太子涕泣力救乃削兩護衛誅其左右狎暱徙封樂安州語太子及太孫是快者必為變處樂安朝發以制之矣王益懷怨望私造火器破獄出死囚厚結之集旁近無賴子弟及逋逃賜銀幣并隊甲以數十人潛察中朝動靜俸一旦終文皇之世不得間仁宗以骨

內親益加恩。增歲祿二萬石。封適子瞻坦為漢世子。餘子咸推封。子瞻圻常憾高煦殺其母。子父交惡。詔罪圻。遣守皇陵。上大漸。仁宗時為太子。居守南京。尚書夏原吉等恐樂安伺變。迎太子至良鄉。始發喪。高煦聞之。益大恨原吉。宣德<sup>廟初文</sup>元年。陳利國安民四事。覘上意。上曰。樂安其革心乎。馳書報可。尋獻上元燈。請駝馬袍服。上勉與之。八月。遽發兵反。長史李默諫不聽。乃作五軍。指揮王斌領前軍。韋達左軍。千戶盛堅右軍。知州朱恒後軍。諸子各監一軍。庶人率中軍。世子瞻坦居守。偽授官號。擬襲濟南。自固。然後肆兵犯闕。御史李濬樂安人。匿妻子。變姓名。間道詣京。上變。

告王聞之。使七者追捕濬。不得。磔殺使者。而故所遺較。故  
青以聞。上不忍加兵。使中官侯泰馳諭王。七陳兵見泰。傲  
不集。敕南向坐。跪奏。大言曰。予今上尊屬。比皇考之於建  
文。永樂中。信讒削我護衛。從我樂安。仁宗乃金帛。泰我今  
又動引祖宗成法。束縛我。殊命我鬱鬱。是誰執政。急持奸  
臣頭來。徐議吾所欲。泰懼。唯心還。不敢言狀。王復遣百戶  
陳剛奏言。仁宗朝不當違祖制。予文臣。誥勅封贈。今上不  
當修理南巡。席殿且斥二三大臣。奸邪亂政。首指夏原吉。  
索誅之。上覽奏曰。漢王欲以此為兵名乎。原吉免冠謝。臣  
無狀。激變親藩。罪死。上曰。無為爾。輔臣楊榮首勸親征。原

吉亦曰。往者陽武侯薛祿。被他命出。色變鼠泣。宿將畏高。與故威不足恃。英國輔曰。漢王驚而寡謀。假臣精兵二萬。立俘闕下。何煩至尊。上曰。朕初嗣服。必有以懾馮。遂決計親征。令大索樂安奸謀。勅平江伯陳瑄守淮安。指揮芮勲守居庸。勿令賊南北逸。是月。發京師。英國公張輔。少師蹇義。少傅楊士奇。少保夏原吉。太子少傅楊榮。太子少傅吳中。尚書胡濙。張本。通政司顧佐。從。以陽武侯為先鋒。而襄鄭二王居守。盡弛軍旗刑徒。從征。是時高煦方約靳榮為內應。取濟南。濟南官吏覺之。不得發。故知州朱恒偽陞兵部尚書。請王竟觸南京。金陵下。可畫江守也。漢諸將盡

起譚恒爾家金陵。王徒為發兵護爾歸。即奈何我等初傳  
聞陽武將兵高煦喜。及諜知親征。始大懼。上軍城北。壁其  
四門。時慶雲陽信吏人皆入樂安。無一來朝者。城中異氣  
黯黯。上升諸將請急攻。不許。與王書。玉果自上首謀。與王  
除過恩禮如初。不然。左右以王為奇貨。悔勿及矣。如是再  
諭。王皆不答。時城中果多款。執王免兵者。王驚。間遣人出  
行帳。陳奏願假今夕。訣妻子。明日自歸。許之。是夕。王盡焚  
兵器及交通逆謀書。上軍城南受降。偽都督王斌曰。就死  
辱也。等死不如戰。王給斌等復入宮。從間道。衣白席。藁出  
見。果謂臣萬死。惟天子命。上赦王罪。盡召諸子監軍來。赦

城中人勿問。改樂安為武定州。班師還京。降王為庶人。繫  
之逍遙城。誅所與謀者六百四十餘人。戕死戍邊者千五  
百餘人。實口外者七百二十七人。獨長史黠免。久之。上詣  
逍遙視庶人。庶人足鐐於木。睨上稍近。伸足木撞上。上不  
期而踣。遂命覆巨鼎。炙之。庶人負鼎。上數百斤。動須臾。死。  
諸子皆死。初。仁宗為太子。上時為太孫。與庶人從上陵。太  
子体重多躓。庶人後言曰。前人躓。後人警。太孫曰。戒之。更  
有後人警後人也。

論曰。魏國輝祖請留漢昭京師。意良善。嗣北平勇索子  
何以應。是與燕以兵名也。宜明告燕。吾全輝祖善師。傳



教爾煦必玉成之。隨曲與恩誼。而微誠輝祖母。縱煦歸一。舟不率。然。後持之。曰。父不能教。吾乃善燕。後而不能也。且質子事。古有之矣。他日燕。即起。亦或瞻顧。即不念其子。而無策。胡騎後至者。煦白溝。小河。不加。可無士。午便入金川。洪武時。外防切。故。雄。燕。地。平。永樂末年。內防急。遂狹。漢。樂。安。辛文。皇。父。不。作。惡。監。國。倘。酷。愛。煦。即。不。入。丘。福。王。寧。之。譖。而。仍。玉。煦。漢。或。真。比。皇。考。之。於。建。文。矣。然。而。煦。殘。無。謀。不。能。用。人。寡。助。待。一。往。為。伸。足。之。計。即。漢。無。能。為。也。



趙王高燧

入叛逆目中  
康王厚煜

趙簡王高燧文皇第三子也。母徐皇后。燕師出。高燧與世子守北平。永樂二年。封王趙國。彰德。未之國。王負戰功。比高煦。最不睦皇太子。太子顧特親愛之。上嘗得王諸邪人。左道不法事。誅王長史顧晟。褫王衣冠。皇太子曲為王解。得免。上晚年征胡。太子居攝。內臣黃儼素見惡太子而曲事王。每譏太子於上。上數責宮僚。至繫獄死。太子亦希得見。二十一年。王入朝。儼乃乘間謾言於外。云上踈太子。時時念趙王。從王來者指揮孟賢等聞之。喜。欽天監謝成過賢所。密言曰。成觀天象。非久當易主。偶上不憚。賢與其弟

三軍人怒。子和陳凱等偽造遺詔。通內近中貴人。謀燬上。劫出禁仗符璽。廢太子而立趙王。總旗王瑜有姻家高以正者為賢。等畫此策。以聞瑜。瑜驚。上變告。上命急捕賊。御右順門親聽之。顧問高燧。若所為如是乎。高燧慄不能對。太子乃代為辭曰。高燧深居內殿。安得與外諸邪妄事。上乃原王。獨坐賢成。以正等。陞瑜遼海衛千戶。尋擢錦衣指揮同知。選國子監司業趙亨。道董子莊為長史。二人為王講說經書。推理驗事。王頗改行。仁宗嗣位。加祿二萬石。與高煦同封其長子瞻。坂為世子。奏辭常山左右二護衛。上為增設趙府群牧千戶所。特嘉之。宣德中。增田園八十頃。

上以叔父之親待王益厚。上從高煦還，尚書陳山迎上至。猷色密請上曰：「趙與漢睚眦，請便移師彰德，卽否？恐他日復勞聖慮。」時閣臣楊榮與蹇義、夏原吉三人並是山畫，請先敕詰王。六師隨其後，上意已無趙。屬學士楊士奇草敕，士奇停筆不可曰：「敕旨何詞？」榮曰：「卽今逆黨籍七言，漢有反書，駱指揮既內使者，往約趙連兵，錦衣衛驗問得狀，此亦宜一問。」王士奇曰：「執反者一言，輒被趙不道之名，豈足以服天下？」退復語榮，卽有疑，不忘趙。宜審為之防，潛消其害。願奈何輕用兵？時獨楊溥與士奇指合。上聞二人意，左頗不懌，然移兵事亦竟止。還京，朝臣多上章論趙事不

已士奇復言之。上惻然曰：皇考於趙王最友愛，且今亦惟此一叔在耳。乃封群臣所論趙王章及高煦，所供詞遣駙馬廣平侯袁容移示王，且賜璽書寬諭。王得書，警曰：吾生矣。即獻還護衛及群牧所儀衛司官軍校，上書謝恩。上復與王儀衛司王二十八年薨，謚簡。時人語曰：文不過周世子武，不過趙簡王。時世子瞻，坂早世，次子瞻塢，以安陽王入嗣。又再傳為靖王，見潞。狎戲，酗酒，怒輒以刀劍刺刺人，重筮殺之，或剗面創首。南樂諸王，潞叔父行也。亦思戕之，又強買良家子女，留止樂婦後宮。成化中，革冠服，削祿二之一。已復其冠服，又再傳康王厚煜，讀書好禮，孝事其

祖母妃。七病為嘗。世嘉靖中，彰德飢，請辭祿以賑。朝命不可。世宗南巡，迎駕甚恭，招致賓客，文章遊宴。有淮南梁孝之風，後與其次妃反目，自經死。先是妃與子成臯王載浣外論洵上，煜暴卒。後妃對侍，先咄上自語，若有所恨者。境懼，無以解，移誣彰德知府傅汝礪及通判田時雨以他事。云威逼父康王至死，列狀以聞。上為成汝礪極邊，而歸斬時雨于趙。時論寃之。崇禎甲申，趙被寇，失封地。乙酉，唐王立福州，封南樂王。第五子用賓之後，由揆者復為趙王。國粵西之南寧。主趙祀。由揆字係易，號伯李，負逸才，擊毬舞劍，音律詩畫皆入妙。能飲五斗不醉。同兄子慈睿，道興寧。

之國而閩敗先是梭嘗與黃蜚起兵于嵩江事不就同鎮  
將李士璉附魯監國紹興相善士璉時走長樂丙戌冬與  
十三營都司並四營閻羅宋苛聚民較自保以箋迎梭興  
寧奉為監國即北山寺為殿居梭而士璉自稱閻部丁亥  
北師有東粵士璉因新任知縣以降密以梭為贄挾之廣  
州而士璉與佟總督甲有素為其中軍已兵備嶺東時陳  
子壯張家玉兵起北師疑由梭內應勒自盡玄妙觀慈者  
亦道死士璉復計殺播越徽支六王以自功己而士璉偶  
謁客返見趙王梭入其門遂卧榻病拱手不絕稱歎云  
云百哀顛諸狀不勝楚痛死



論曰。記黃湜死靖難。子孫效尤之一言。高煦一驗。高燧  
又一驗矣。幸燧不多從文皇征伐。事垂成。反兵直取諸  
其父。較偽詔劫伏之計。不更捷哉。夫不有其父。何有其  
兄。漢之走密。徒長傲耳。特漢敗。趙益如窮。雖不足慮。初  
計奪太子。今太子既在。蹶兵非所長。士奇溥之言。寧  
厚至親。存大体。亦勝算也。凶德世濟。自康王厚煜而外。  
鮮足錄。而獨奇。由按之。能崇武。律殺士璉。



仁宗九王

鄭靖王瞻竣

王厚焯子載堦

世 斬獻王瞻垠 越靖王瞻墉

鄭靖王瞻竣仁宗次子母李賢妃國鳳翔宣德元年漢庶人反瞻竣與襄王瞻埒居守四年請故安王竹園時韓王以安王舊邸得竹園上曰園在鳳翔去平涼遠與鄭王便正統中以隴人多瘠改國懷慶竣多暴怒掠人至死稍不當意輒手碎之上為置強相以御史周甲為長史竣稍戢王四十二年薨子簡王祁鈺為世子時棄妃韓而立妾有子見茲勿愛也曰世子時子安得後我王天順中詔戒諭之嘗乞河墀地靖王第三子為涇陽王祁鈺其子見溢淫亡

度母妃張氏常制教之。母薨，溢殺一犬，殮而埋之，祭以比  
母，及襲封，宿娼喪次，妃郭氏泣諫，見溢怒，撲之宮門，絕其  
飲食，笞殺其從婢，復強納母妃女弟為妃兄所訐，奏弘治  
八年，革爵，封除，而簡王次子見恣，出府別居，竊世子見滋  
金冊去，他日復入王宮，取寶，王鏐索出其世子冊，以是怨  
父簡王，遂不復朝。他日，輿而過涇陽王門，見涇陽王不下，  
妹廣寧郡主及笄，碎其奩具而焚之，又強娶良家子為宮  
婢，多占軍較至百餘人，簡王不能制，以聞，詔革恣爵，令戴  
平巾，習禮讀書，敬皇即位，賜歸，弟東垣王見潢，狎家奴安  
僮，數欲殺其妃，上聞，斬安僮，視潢為民，久之乃復，靖王三

傳王厚焮讀書能文。折節下士。然多泥古。府中故有習樂之所。王盡改其名。舍曰中和。繹舍堂祀伏羲神農黃帝。曰原始之堂。室曰思誠之室。後室曰秘器之藏。其他館第皆以古義名之。名疑于天子。嘉靖二十七年。周藩鎮國中尉勤殿。故嘗得罪周王。詔奪其祿。熨失祿。乃詣闕上書極諫。若為名高也者。上怒。叱謗訕。降廢人。時王厚焮諸父行祐。榘以其父見。恠得罪。祖簡王廢廢人。幽高墻。欲從王焮奏復故爵。焮不與。奏怨。焮會焮上萬壽表。失臣字。又帝方醮壇。榘來獻香。焮無所獻。獨作四箴。十連珠。以諷切帝。其書曰。伏見太祖皇帝起淮右。躬擐甲冑。膚冒霜雪。歷十五歲。

功可謂大矣。德可謂盛矣。尚慮教阻道晦。民庶惜迷。乃復  
求書廣見。求言廣知。朝政夕講。寒暑不替。洪惟皇上御制  
心箴。註四箴。碑幽風。書無逸。揭洪範篇。大學衍義。下詢疾  
苦。身先農桑。益身保民。臣所親見。何及邇年。罷講有日。美  
政無聞。使四方學士。利欲紛拏。莫知所從。臣不勝拳。切。効  
李德裕丹宸之箴。倣陸机連珠之体。凡十四章。別錄敬進。  
四箴曰。居敬曰窮理曰克己曰存誠。其連珠十章曰。臣聞  
連城之璧。不付于拙工。千里之驥。必託之善御。是以修身  
者。以損德為憂。保國者。以失賢為慮。臣聞如砥之途。人以  
為邪徑。弥天之語。人以為上乘。是以孔孟之門。無人。而異

端襍起。堯舜之世既遠而治道難興。臣聞衣食足而民富。禮文衰而訓靡。是以農桑必盛於風俗之始。彝法必明于教學之時。臣聞百口言善。所以尊德。一心詢過。所以希天。然則諛舌易巽。吾口難便。是以堯疇咨而裕。受拒諫而騫。臣聞水滿易溢。月盈易虧。是以守謙者不挾德而侮。去患者不族禍而追。臣聞竭民脂而作無益者。世不知惜。長國家而損下利者。士謂非忠。然則民飢而君無獨富。農足而國不能凶。是以愛民則福錫于邦。弛虐下則禍起于舟中。臣聞文公簡禮。春秋不貶。鄒衍繫獄。夏月飛霜。然則不誠獲戾。罔察罹殃。是以畏威者克謹。天戒敬祖者率由舊章。

臣聞商鞅尚法。秦旋踵以止。仲尼行仁。魯三月而治。是以  
萬類取足。得衆尚于用寬。百姓無匱。求仁先于近譬。臣聞  
臨春于閣。陳禍以盈。步虛于城。宋室將燬。是以成湯寬仁。  
不聲色。是親。放勳恭讓。不茅茨。為恥。臣聞被衣寒。体充食  
饑。腹民日惟憂。耕田南畝。鑿井西隣。人日惟憚。然則與以  
惠者。欲其知樂。以利者。忘其力。是以熙皞。惟王者之為。驩  
虞為霸者之策。既奏上大怒。手詔王曰。日者勤慰。謗訟朕  
姑活之。厚煇劾大。諸欲為。之。于是祐榘。以舊怨。據拾浣  
罪十四事。誣浣反。上使驗視。無實。但曰。治宮。餽名。疑乘  
輿。上曰。厚煇。橋傲。不稱臣。百凡自擅。掇拾朕過。無禮不道。



降庶人囚之高牆。煇囚高牆十八年。煇世子載堦不敢即  
安築一室。玉宮外。席藁以居。如玉囚之年。莊王即位。出煇。  
復其爵。浣自少至老。布衣蔬食而已。及薨。世子曰鄭宗之。  
序盟津為長。固避之。匿山中。不出。其後竟立祐榘之曾孫。  
載爾玉為王。

蘄獻王瞻垠。仁宗第三子。初封靜樂王。傅姚益授王經。有  
顧問。必正對。垠雖幼。知賓禮之。改封蘄。早薨。國除。  
越靖王瞻墉。仁宗第四子。母昭王后。封衛州。未之國。宣宗  
賜莊田昌平四十頃。早薨。國除。

論曰。頰抑受強相。王瞻垠猶能悔過也。簡王祁鏜稍惑。

摘庶而積數世以不靖王厚烷稱引古昔自附芻蕘之  
獻欲光華聖聽蓋由生食古記未審告君之体似宜略  
其跡而錄其忠即不見可何遂目以為謗至比之不道  
之律囚高墻十八年此時議禮者或不赦而諸以諫諍  
見原人臣中不乏也而獨難賜環王烷乎烷布衣蔬食  
終其身歷高墻一日也上寧不聞之竣子載墉自玉得  
罪屏居席藁如父囚之年上寧不聞之墉固遜孟津追  
古賢之避讓歷選諸宗不能有二斬越而王早薨不論

襄憲王瞻塏

襄憲王瞻塏，仁宗第五子，母昭皇后。四年之國長沙。塏讀書通詩，尤長春秋。正統中，以長沙卑濕，詔徙襄陽。帝北狩時，或以塏最長親且賢，謀迎立塏子，尋不果。郕王居攝，塏上書皇太后，請立原太子。見深急迎鑾，監國隱之，不以聞。太后及答諭郕王，已即真矣。久之，上皇居南內，塏又上言：「陛下誕登寶位，非從上皇冊封，似稍失臣節。宜旦夕遣使視膳，朔望率群臣問安，以不失恭順之意。」奪門時，石亨等必殺于譙。王文謂謙等嘗結內侍王誠盜金符出迎，襄王而王實不知也。上皇復辟，得塏二奏，宮中賜書塏，比於金。

滕云。詔王未朝，相見甚懽。初，河南按察使王概坐誣繫獄，  
塹過河南父老，遮塹車，訟概寃。時塹蒙宴，酒半，避席為概  
請。上立召概為大理卿，使塹得謁長獻二陵。且歸，乃上言  
伏覩皇太后制諭廢邠王如漢昌邑王，臣以昌邑初無篡  
奪之非，邠王承上皇寄託之重，乃乘危篡位，改易儲君，背  
恩亂倫，非昌邑比。且其所葬杭氏壽陵，踰制伏乞，喪毀以  
明禮法。上從之。或稱二都督犯王駕，上怒，行杖二都督。塹  
謝曰：臣出無駕，二都督何從犯之。上特賜護衛及旗手司  
鷹坊司，食鹽三千引，官其二夫人之第，二乳母之夫，皆百  
戶。春秋上戊，祭社稷山川，賜陪祭官懸帶牙牌，又賜之褰

王之寶。雌玉篆曰。以識密奏。比王周公。欲罷以天子禮樂。許易王宮瓦黃琉璃。善跋踏辭曰。奈何以臣壞祖宗之訓。典上曰。善。及行。上送至午門外。塽伏地不起。上曰。叔父欲何言。頓首曰。願陛下省刑罰。薄稅歛。以慰海內饑渴。上拱手謝。四年。復召王。塽至。諭廷臣。天下第一賢王也。其以朕言榜于宗人之府。迨歸。御製峴山漢水二賦。及襄陽四時歌。以榮之。上親送。迄蘆溝橋。駕在王後。塽辭。以臣先君大亂之道也。倒行其車。以回上。諸藩自谷王後。皆禁不朝。王獨小心清忠。守法遠嫌。得來朝者。再在位五十年。薨。三傳懷王祐材。聽其妃父井海左使。多箠殺人。弘治中。戍海及

材所親信者與興邸爭地灘。逮七十二家。獄久不決。大理  
卿江綸兩解得已。王無嗣弟康王祐楮以光化王進封初。  
父簡王嘗夢二道人。冉冉。繇端禮門入。材楮遂同月生。而  
皆慕悅道教。王材玄修之外。復好鷹犬。蓄善馬。日行百里。  
往返南陽而未曛也。王楮好五雷法。無故煉神。忽見一二  
長神。高六七十丈許。青面赤髮。黃金甲。執鉄鞭。立庭前。  
因病悸不能事。上。取奉印。亨扶權。拷死王舅楮。惡之。剔其  
兩目。坐奪爵。已復之。薨。從姪莊王厚。頰以陽山王進封。折  
節為儉。服散衣。剝居外廐。不厭稍梁。嘉靖三十年。酋入。進  
白金二千兩助軍。三十六年。三殿灾。進白金三千兩助工。

拊木十。頴事嫡母王太妃至孝。及潘太妃薨，王殯之堂左偏。王太妃曰：嗟乎！左之其以我乎？必正寢。頴泣曰：臣不敢以非禮加臣母。及葬，跣而扶襯行五十里。王愛襄人，左右不使犯有司。四方士大夫道襄者，與為常布交。人為之語曰：夫人入楚地，山不登，太和王不朝于襄。云何之徜徉而憲王支子東陽王之孫祐，惇者善文章，精騎射，力能制奔馬。博涉星曆，兵農醫卜之書，好持風論，言休咎多應。嘉靖初，上書請伯孝宗而考典獻，更請除守人祿，使其以四民自為生。賢者用，對策應科，寢不行。崇禎十四年，賊張獻忠陷襄陽，坐襄王甲階下，醉以杯酒，曰：失王督師楊嗣昌必

伏法願借王殺嗣昌己王遇害而嗣昌果自盡賊投王火  
時福清王常澄覓王骸得顛骨數寸以去賊并殺貴陽王  
常法十六年李賊復陷襄陽稱為襄京脩王府居之

論曰迎襄必無之事也襄瞻塔而上書一急迎變母廢  
太子一問視南宮朝朔望即滿朝誰不聞之夫果盜金  
符至襄王塔頓首曰臣塔固言之矣今故太子在也  
臣塔故言之矣今上皇在也無多言以臣先君大亂之  
道塔必不敢蓋諸臣欲更立有隱慮意故太子或不志  
前廢立之議而反與襄府以定策之功乎且問立襄王  
將使仍南宮上皇子仍沂封皇太子乎抑否乎不必襄



王之賢。即鄭荊以下。諸至愚昧。不敢妄覲。萬不獲遂。遂之事。于是禮部會議。俟視朝。合辭以請。懶復東宮。其情勢必然。而不意。輒有奪門之舉。必以盜金符。誣尚書于謙等。徒使論世者。百口不服。則何不更詞云。南宮何休。東宮何罪。爾大臣胡不一言之。足以罪謙等。使心抑也。然而有不能者。此奪門諸臣。即前贊廢立諸臣。以共二語。例之。諸入文謙之律矣。故曰。不殺謙文。吾等為無名。置信律。而即誣律。是明知為誣。而以二臣及三宦者。塞責曰。諸所為。皆二臣為。而迎襄更甚。謙明于事故。簿對無一言。而勇叱。以死應。誣公論自在。後

世耳。嗟。果。天。下。一。賢。王

至。正。也。厥。後。壯。王。厚。類

國。斯。不。忘。朝。廷。者。哉。兼

諛。而。使。宗。人。四。民。自。為。生。秀。者。預。對。策。共。長。久。至。計。胡

不。入。聽。也。明。之。季。獻。賊。害。督。師。嗣。昌。曰。吾。死。襄。王。以。殺

督。師。計。亦。謫。矣。

丹。朝。奉。省。刑。薄。歛。二。語。為。別。詛

處。儉。以。願。能。捐。所。有。以。贊。軍

陽。祐。楸。文。武。材。考。典。獻。之。論。誠

*(Faint bleed-through text from the reverse side of the page)*

荆憲王瞻峒

端王厚烜樊山王  
載玲隕西王常湖

荆憲王瞻峒仁宗第六子母張妃初國建昌改封荆峒勤  
學好古祇慎肅恭延攬文學之士再傳孫見滿七恨同母  
弟都梁王見溥多受貲於父靖王錮母妃為斂其衣食竟  
死將葬出柩于竇召都梁王騎射後園塞其口以錢尺捶  
殺之鑽火王肛謂都梁妃何曰都梁王與王騎射馬驚踐  
死因逼淫何妃于後宮滿後弟懷順王見潭之妻茆妃羨  
求通焉茆始馬妃惧防之王怒髡馬妃鞭之百械茆妃入  
宮脅奸之數集惡少年騎射微服涉漢畧人羨妻女其聚  
斂不可勝道惡鎮國將軍見滄見虎閉之空弟

樊山王見潁，懼其及也，密以聞。孝宗使太監駙馬都尉蔡震都御史戴珊徵王。大臣議潁罪惡，不蔽于刑書。上曰：寧末減削爵，降庶人。錮西內，賜何妃死，奪莊妃之封。弘治六年，潁從西內復摺，奏樊山王過。樊山曰：昔者大行皇帝遺詔至荆，潁拒不內，多置弓弩築土山，簡舟楫閱馬，廣儲生鉄，聚輿械。其子祐柄濟惡謀，不軌。向未盡言耳。乃至誣奏我。上使覆視，有之。乃賜潁自盡，廢祐柄，而封都梁子祐櫛為荆王。是為和王。和王子端王厚烜，有賢聲。初，景泰中，嘗請朝上皇，不許。長史施魯，賢者也。王厚遇而樊山王三傳載於讀書好禮。諸王通刺士大夫，故不名王。獨以名。

郢王女得封。始請祿于朝。王有四女。不為請。下嫁于士人。隆慶中。請自試。不報。諸子皆工詩。號花萼社。崇禎十二年。鄖陽賊犯荊州。焚荆王墳園。荆王甲不知所終。而隕西王常湖者。憲王六世支也。崇禎癸未。賊騷楚。隕陽陷。湖支離避難。走依閩。七敗。湖削髮度為僧。潛託鉢壽寧之鬼足洞。遇王祁。共起兵。取建寧。事在王祁傳。明年建寧敗。王為亂兵所殺。

論曰。王桐猶力學攬士。再傳孫見濬。性既棄戾。而無以教之。其惡不可名。所為逸居而近于禽獸是也。使生士民之家。豈至以有所營。則勞。二則習。有所禁。則畏。三則

悔有所慕則趨。則日遠于非。勉為善。故諸字之善。皆  
出至性。為記載所不及。其為不善。皆出意想之外。亦紀  
載所不及。何則。詩書之義。不講也。以矣。思立法之未詳  
矣。端王厚炷。于瞻塔行最早。于親有間。而猶從塔後。倦  
倦朝上皇。為辭。迺知凡諸字。無不以朝上皇為正也。樊  
山載吟謙德可師。諸子花萼之社。其真王桐文學之遺  
欵。明末隕西常湖。以僧潛去。挾王祁共起壽寧。覆府建  
寧。雖事不成。借皇覺寺。故架染冒甲。誠可為克遵祖制  
者矣。

淮靖王瞻塙膝懷王瞻堽梁莊王瞻垺衛恭王瞻埏楊氏

淮靖王瞻塙仁宗第七子母李賢妃初國韶以韶瘴改封  
饒塙有所乞請長史李伯嶼曰朝廷之上有賜無求賜則  
惠求則瀆塙病府中人請為王禱伯嶼曰何如貸丁錢以  
甦衛士之困塙皆從之薨傳曾孫定王祐祭上遊戲無度  
橫暴境內左長史莊典以不克稱職請自免不許會饒州  
推官汪文盛與王府不相悅偶風者顧嵩持刃撞王門謬  
以為文盛使之適鎮守太監黎安公事至饒其隨騎觸端  
禮門被撻以為辱怨祭而先是祭有名琴曰天風環珮寧  
王宸濠謀之不得又求祭濱湖地祭弗與濠遂挾私怨族

安奏榮過併及文盛被誣榮亦奏辯下撫按訊濠使人將  
典至府笞擊之死獄中他所連死甚衆於是榮奏安挾仇  
殺典以脫嵩并及安他貪縱事上再遣官即訊榮畏宸濠  
而所遣又為安諱但言王聽信奸諛請嚴飭之淮府軍較  
坐戍者二十餘人而典寃竟不白萬曆中榮四傳淮世子  
洪有異謀御史陳于廷疏暴之貸其罪

滕懷玉瞻塏仁宗第八子與弟瞻垣瞻埏同母郭妃國雲  
南年十七薨無子國除

梁莊王瞻垣仁宗第九子國安陸仍郢邸姿度英偉好學  
不倦承奉孔勤侮王上聞之怒逮斬又為勤解上曰群奴



楊王耳。竟誅。勤未幾。上表不恭。有司請治長史上。以均故不問。正統中。以地卑濕。乞改封。不果。梁故盡得郢田宅園湖。後皆以賜襄王。均年十八薨。子國除。妾張氏生二女。皆封郡主。封張王夫人。掌王宮中事。

衛恭王瞻。埏仁宗第十子。亦與滕王同母。封懷慶。未之國。王孝好學。以賢聞。宣德初。凡郊廟。每命王攝事。薨。妃楊氏自殺。以殉。謚貞烈。子國除。

論曰。盛名不可居也。琴不幸。以天風環珮。聞於時。而居是琴者。為定王祐。於是動寧慕。墮寧謀。以快寧算。遂至推官文盛被誣。長史莊典獄死。而王榮坐巖。飭軍較。



英宗七王子不入皇三

德莊王見潯許悼王見淳秀懷王見澍崇簡王見澤

忻穆王見治吉簡王見浚

德莊王見潯初名見清英宗第二子母萬宸妃景泰中封

榮王英宗復辟浚故東宮即日封德秀崇吉四王潯國

德州改封濟南成化中嘗請業南旺湖以漕渠故不許崇

禎十一年東師大入至山東以德王甲去不返

許悼王見淳英宗第三子母王妃生王時英宗方北狩景

太中既廢皇太子見深為沂王並封見清為榮王見淳為許

王及上皇復辟見淳已薨時禮部請喪用親王禮內批王

幼殺其礼。

秀懷王見澍，英宗第四子，母高淑妃。英宗居南內時，生國汝寧。右長史劉誠獻王千秋日鑒錄，澍喜。王居隘，或請移先師廟，廣王居。澍曰：「遷廟廣吾府，豈其為避尊乎？」不可。澍讀書至黜黎之篇，右長史主吳氏說曰：「黜黎者，武王也。」右長史銳主孔氏說，謂文王寔黜黎。至庭辯且爭。澍曰：「經義即未有定，何嫌往還？」乃爾動色。而長史愧謝。亡子國除王宮人陳氏賢，召入京，封為夫人。

崇簡王見澤，英宗第五子，母仁壽皇后。生南宮，國永寧。弘治中，孝肅皇太后欲一見王，上命考襄王入朝故事。大學

士徐溥言。襄王來朝。釋嫌疑耳。自仁廟以來。鮮舉行者。此  
端一開。親王爭請。明詔即未優許。未免曲加恩賚。費用不  
貲。休要無補。禮部尚書倪岳率同官言之。事已。子靖王佑  
楹再傳恭王厚燿。並以賢名。而燿孝友為尤著。萬曆中。燿  
為庶子。請封。其再繼妻。禮部執弗與。崇禎十二年。賊圍屠  
永寧。萬安王采鋹見害。十五年。賊掠崇王。由檣及世子諸  
王妃去。賊強降。封檣為襄陽伯。時邵陵王在城。保寧王紹  
圻。肅寧王授術。俱降。封為伯。  
忻穆王見治。英宗第六子。與德王同母。生九歲。未之國。薨。  
國除。

吉簡王見浚，英宗第七子，生南宮。與德王同母。國長沙。初  
友諒稱漢，據長沙，坐稅畝特重，積流散。王請得荒田十三  
萬畝，租尤重。嘉靖中，減稅十五。浚慎守法度，謹財用，樂遊  
嶽麓書院，訪古人遺跡，梓先聖圖及尚書，披賈太傅新書，  
浩乎如有得也。伴讀吳華進逆耳書於王，浚受之。崇禎十  
六年，賊張獻忠陷長沙，沅撫李執德奉王甲及惠王乙奔  
衡州，衡陷，又走永州，追急，御史劉熙祚護入廣西，不終  
論曰：懷獻不謝東宮，英廟又一沂王矣。許忻以殤國除  
秀崇吉，生南宮，胎教輒艱難也。獨秀懷王見澍能受善，  
止于義，乃以佞笑不及世，而德崇吉三王之浚皆被兵。

不復。崇王由櫃屈于闔。至受襄陽之封。而于是郢陵保  
寧。肅寧諸支。亦勉膺伯爵。辱國最甚。若萬安采。雖則誠  
不負簡。王見澤之道。死猶有生氣。吉王見浚。頗事講學。  
樂聞逆耳。惜其後逼獻賊。失封較之德。王見潁之後。徒  
失身。猶存其封六七年。差倖也。

大良節不其故六三羊六卦  
樂聞五甲前其卦五火相火  
不噴噴以思家以思心  
東偏事於文水德義所  
不與言五甲節風于節三  
五與言五甲節風于節三



徽莊王見沛

沛陽王及興化妃  
龐氏忠信妃鄧氏

徽莊王見沛英字第八子國鈞今尚州以避諱故改王常  
德妃出妃黃氏與秀王妃兄弟也王自置吏布政使徐恪  
以非祖制草之沛奏恪慢上曰恪是也弘治中乞陞州為  
府尚書王恕言肅藩荆岷皆封州鈞不得獨府再傳恭王  
厚燭虐而以好道自媚于肅皇肅皇南巡道禹燭却迎甚  
恭對稱旨上大賚燭益歲祿三百石封為太清輔玄宣化  
忠道真人予金印燭以此怙息無忌撫按官發其事者輒  
被重譴然好士無與比特具饗府中食士而較之歲大比  
親為勸駕踰等子庶人載倫嗣王慧巧出父恭王上淫虐

過之益伺旨。所以悅帝萬方。上于敬最親。埜置傳聞。上與  
居。輒以其慧。導百工。所製物。四精巧。世無有。宮中有所須。  
輒先時。敵常夢一老人。童顏而長爪。曰。吾得請于朝。將佐  
王。覺而得羽衣。梁甲年八十。如夢中。善導引。埜遂以聞。上  
貴梁甲。至與陶仲文並。埜以梁甲驟貴。責報。而甲庶謹。所  
賜與多。却不受。無以塞埜意。埜恨甲。時埜所常服。女癸。上  
亦須之。從梁甲問方。甲求之。埜上以前志。勿與。上使陶仲  
文問埜。上與之。甲懼。埜以帝故。親徽。益過舉。盛興土木。花  
石。建大小殿廊百餘。所欲。投柱處。祭士民第舍。不願。掘城  
外塚七十餘家。以便行宮。築飛觀數十丈。自北城女牆上。

連後苑。為械激水入灌輸苑。治復造二樓。亦數十丈。皆繡窗雕戶。一衣以秦之草金。一衣以蜀之文錦。擇民間美子女。徵歌恣飲。無旦夕。微服走金陵。得四女歸。至王莊驛。吏察埜裏衣。疑非凡。將款報。埜潰垣去。庫官王章直諫。埜斃之。前後所殺無辜二千餘人矣。至是。玉庭鐘鼓自鳴。時見群羊出沒。埜獨震不悛。梁甲偶侍上。曰。徽王無恙乎。甲對曰。臣藩王自南京歸。微有霜露之憂。陛下念臣主。臣幸甚。上默然。會民耿安有女小迎冬者。埜奪入宮中。以過榜妃之。燬其屍。安上變言。埜竊出窺南京形勝。五日一探。上起居。章乘隙為亂。于是都御史以下咸奏。埜過失。上

怒降。埜人。逮高牆。埜懼。令妃與所素幸姬。皆艷粧自經。旋亦經死。國除。埜既敗。上謂梁甲。庶謹。放歸山。而莊王第。四子。景寧王。數傳。載埜者。隆慶中。與都御史。党以平。爭許。有司。奏治之。父子。閉門投井死。除封。恭王。庶子。載埜。封伍。城。或。鰈。以內行。恭王。賜之死。不得。白。再拜。而。縊。亡子。封。除。崇禎十四年。賊。李自成。陷。禹州。徽王。甲。遇害。明末。丙戌。閩。事敗。徽。支。興化。王。乙。及。滋陽。永豐。銅陵。陽信。仁風。五王。又。忠信。王。二子。奔。惠州。咸。詣。博。羅。石。龍。鎮。欲。走。海。時。故。帥。李。士。璉。以。趙。王。由。棧。北。降。為。嶺。東。道。由。棧。被。害。更。欲。自。固。于。北。師。與。故。奉。化。伯。黃。應。傑。時。已。北。降。為。惠。州。太。守。合。謀。賫。啓。善。迎。

諸王還惠供億甚謹。庚寅正月，令諸王分居各營。一夜收其家丁三百人，盡殺之。獨樂戶吳曾以女為應傑子妾，得一人免。四月，請于平南靖南兩王提兵執諸王，殲之水北。滋陽王獨衣冠出，面無戚容，罵士璉逆臣，無狀談笑而盡。各宮眷盡分諸營，獨興化王妃龐氏當屬營將王世槐。妃偽曰：俟王屍殮祭而釋服。迺可。世槐以為果然，聽不備。妃夜起提筆，數李與黃罪數百言，縛衣帶，又以楮作二神主。一書亡王，一自書王妃龐氏神位。先以帛絞其四歲女，未盡尋自縊死。其忠信王妃鄧氏，初士璉挾留為妾，不屈，遂送白將軍，終不可奪。伺間亦自縊死。白怒投其屍江中。

論曰。齋醮之尚。意在禳國。迺至殺虐無算。大學士介溪所以伺上者密。紗帽籠香冠。曲道所好。徽王厚灃得此意。以行其虐。蒙錫印太清輔玄宣化忠道真人較之。憲廟時賜李孜省忠貞和直妙悟通玄之章。更破例而加玉璫也。為祖訓所不載。願孜省繼晚。不預朝政。而灃怙恩。竊虛譽毒民。且以藥其子載堃。伺上益甚。偽夢上梁羽衣于朝廷。欲藉梁固寵。乃厚望梁。而使梁有南京霜露之對。徒自敗矣。然堃諸奢淫毒慘。較相嵩更數倍。鬼神見惡。鐘鼓自鳴。羣羊出沒。豈無因而妄兆哉。獨諸史載堃與都御史互訐。不得直。載堃以被污。不得白。咸自

殺。然則理字事者之過也。福祿京諸藩之失步。咸赴偷  
息。丙戌。閩敗徽王。支興化。滋陽。永豐。銅陵。陽信。仁風。六  
王及忠信王之二子。盡為叛帥李士璉所賣。盡于水北。  
獨滋陽持義毒詈士璉等。從容盡。而諸王妃。與化。龐氏。  
忠信。鄧氏。守禮。百不奪。與廢人。埜。諸妃。艷。粧。自經。從。埜。  
者。大。異。





憲宗十王禮八子

興猷王祐樞

興猷王祐樞憲宗第三子。孝宗弟。世宗本生皇考。追尊猷  
皇帝者也。母為卹妃。神觀秀偉。聲音洪重。平居嗜詩書。好  
鼓琴。莊默自持。初封興成化末。國德安。孝宗四年。改安陸。  
七年之國。頒賜視故事。有加。樞居國。恩母卹。長史張景明。  
日賦國中景物一篇。以解王。思禁女樂。非公宴不用。牲酒  
罷絕。諸珍異大馬之猷。夏秋設藥餌。湯水濟民。水旱為粥。  
贍之。張景明猷六益于王。樞曰。吾以此懸宮門矣。太監李  
稷。數舉仁義詩書為樞稱說。樞敬受之。嘗作漢江賦。數與

群臣登陽春臺亦作賦以志傲立三十二年薨葬松林山  
謚曰獻正德十六年武宗崩無子世宗入嗣擢子也四月  
上欲加上稱號命禮部會議尚書毛澄等議上漢哀帝立  
定陶共王子為太子以楚王孫為定陶王奉共王祀大司  
空師丹以為恩義備至宋英宗以濮安懿王子入繼仁宗  
知諫院司馬光議濮王稱皇伯不名判太常范鎮亦言陛  
下既考仁宗不得復考濮王乃立濮王園廟以宗濮為濮  
國公奉濮祀程頤曰為人後謂所後為父母以所生為伯  
叔父母天地之大義生人之大倫也臣請立益王第二子  
崇仁王厚炫為興獻王後皇上嗣大宗宜稱孝宗皇帝為

皇考稱興猷王為皇叔父興猷大王興猷王妃為皇叔母  
興猷大王妃凡祭祀告興猷王上箋興猷王妃皆自稱嫡  
姪皇帝名大學士廷和冕紀皆如議上以父母互易不便  
其再議于是禮部會廷臣文武共六十三人復錄魏明帝  
太和三年詔及程頤議以進留中而大理寺辦事進士張  
璉特疏以為漢之哀帝宋之英宗皆預立為嗣養之宮中  
為人後者也陛下繼統非繼嗣與前兩議不合夫興猷王  
孝宗親弟也倘興猷尚存入嗣天子臣恐弟無後兄之義  
而欲聖母為皇叔母則聖母當以君臣禮見臣又恐子無  
臣母之義興猷王唯陛下一子禮長子不得為人後利天

下為人後。臣又恐子無自絕父母之義。大學士廷和等復  
奏。三代以前。聖莫如舜。未聞追崇所生父。瞽瞍也。三代以  
後。賢莫如漢光武。未聞追崇所生父。南頓君也。群臣議是  
上曰。前王典禮。至博。諸臣悉心究之。禮部復會文武臣共  
七十二人。上議。陛下于興猷王。改稱叔父。明大統之無二  
也。加皇子叔父。陛下伯叔。諸父莫齊矣。加大于王。天下諸  
王莫齊矣。興猷王稱號既定。王妃隨之。天下王妃莫齊矣。  
推尊非禮也。宜別為興猷王。立廟京師。且使母以子貴。尊  
與父同。興猷王不失其為父。聖母不失其為母。天之經也。  
地之義也。順之至也。初上心欲帝興猷王。而奪群議。既得

璉奏大喜。傳示廷和。廷和曰：秀才何知在廷？皆以璉諧希進，共排擊之上。乃召廷和。冕紀等文華殿溫語曰：卿等言皆是也。至親莫如父母。今尊父為興獻皇帝，母興獻皇后。祖母康壽皇太后，以報罔極恩萬一。其奉詔廷和退上疏爭之。留中。八月，復下禮部議。尚書澄等會諸臣五十二人如前議。閏日復如前議。又閏日復如前議。會興獻王妃從興至。禮官議用妃禮迎。妃止通州。旬日曰：安得以及我子？他人上命內閣詳議。廷和等復以前議進。上卒不可復下。禮部議尚書澄等六十三人議卒不奪。上以興獻王妃久不入涕泣啓張太后。願遜天子位。奉妃歸藩。稱母子如故。

群臣皆惶懼。張璠因為大禮或問以進。以為統者帝王相傳之次。嗣必父子一體之親。統則倫序可以時定。嗣則天恩不可強為。得其常為父子。不得其常則為兄弟。為伯叔。侄。宣帝未常父昭帝。而兄史皇孫。即光武亦未嘗父元帝。而叔南頓君也。諸臣不得已。乃以張太后命改稱興。獻王為興。獻帝。興。獻王妃為興。獻后。即貴妃為太后。興。獻后乃入。初議之起也。禮部侍郎王瓚者。璠鄉人。聞璠說。私然之。廷和以瓚異議。調南京。而璠亦填南主事。又故大學士楊一清尚書石瑤心。然其說未敢發。而主事霍韜桂萼給事中熊浹。益緣璠意為贊。厥指天子益心動。會內閣請上張

太后及武宗夏后尊號上併命以邵太后興獻帝后尊號  
聞廷和等不奉詔上手勅帝后之上特加皇字廷和竟封  
還御札上復加興獻帝為太皇帝后為興獻太皇后廷和  
等益不能承咸乞罷歸上曰卿所言大義也朕至情也義  
不勝情勿二于是群臣爭者百四十八上皆不聽嘉靖  
元年却祀禮成禁中火廷和等曰列聖神靈其有怨恫乎  
給事中鄧繼曾朱鳴陽主事高尚賢等備言兩年以來日  
精門灾長安榜廊灾郊日內宮水房灾五行之德火主禮  
五事火曰言上生于名禮興于言陰極變灾廢禮之應也  
上稍為之動乃止加皇仍稱本生父興獻帝而尊邵太后

為壽安太后興獻后為本生母興太后詔天下三月設安  
陸祠署於松林山如鳳陽祖陵故事祭用十二邊豆樂八  
佾上心終未懌也仍諭上興獻冊寶稱孝子廷和等不受  
詔二年六月召群臣平臺特諭加稱皇帝皇太后廷和等  
堅執不從而璵同官桂萼逢上意必伸前說渡引都御史  
席書吏部員外郎方獻夫合奉璵指請廟大內以配帝上  
益喜再下禮官議是時廷和去矣三年正月禮部尚書汪  
俊復會群臣極言其不可上曰朕奉宗廟承正統敢違大  
義第欲兼報本生恩其參酌至當以聞二月汪俊等復會  
群臣議請於帝后更增一皇字以全尊號留中未下而太



常卿汪舉翰林脩撰唐臯編修鄒守益給事中張紳御史  
鄭本公等九十七人持前議加有旨切責之奪其俸乃召  
桂萼張璉霍韜于南京而璉又馳奏興獻帝加稱在考不  
考不在皇不皇必稱孝宗皇伯考與獻帝皇考武宗皇兄  
然後父子伯侄兄弟之間名正而言順也上是之勅禮部  
加稱帝為本生皇考恭穆獻皇帝興國太后為本生母章  
聖皇太后立一室奉先殿側以盡追孝之情汪俊等復上  
言事必無嫌正統乃合禮經獻帝初封興國寶兆中興徽  
稱之上仍宜取冠且復極言立廟大內有干正統不敢奉  
詔上切責之復命會議以聞議上請於安陸府中特建獻

皇帝百世不遷之廟。它日襲封興王子孫。世世奉享。陛下  
歲時遣官往祀。上不可。群臣爭者一百三十八人。上皆切  
責之。而汪俊又去矣。群臣惡璉等之來也。則曰興。獻帝加  
皇有成命矣。無煩二臣議。請上詔止之。而璉等已在鳳陽  
道中。疏譏礼官益急。上復心動。趣其來。而以席書為禮部  
尚書。大學士蔣冕等復上疏。以為自古人君嗣承天位。謂  
之承祧。踐祚。祧宗。祧祚。廟之祚塔也。礼為人後者。惟大宗  
情既重于所生。義必踈于所後。從漢迄今。千七百歲餘矣。  
未有廟本生父子大內者。汪俊乞休。遷聽其去。璉等有言。  
亟召其來。臣等冒官孤卿。不敢復覲。顏班行之。上乞放歸。

田聖上曰、建室之議朕自裁之。是時都察院經歷黃綰、郎中黃宗明、員外郎方獻夫、並緣璉說進、而禮部侍郎吳一鵬等六十七人復上議、極論璉、萼之非、請付法司論治。罷建室議、立廟安陸、世世奉享。上怒曰、本生皇考寢園在安陸、朕歲時不得親展、孝思卿等安乎、執違者罪無赦。已酉、上尊號、詔天下冊文稱孝子。是時修撰呂柟、編脩鄒守益、復上疏、極言上怒、俱下獄、外貶。而璉、萼又去矣。上名奉先殿西室曰觀德、殿祭器如太廟。勅太監義、京山侯元、禮部侍郎一鵬、迎獻皇帝主于安陸。一鵬曰、非禮也。獻皇帝之神、依安陸久矣、請如奉慈殿為神位焉、不聽。先是群臣上

疏請罷席書者八十八人。至是璉等至上。內降授翰林學士。猷夫侍講學士。諸臣益闕然。交章彈劾者九十一人。翰林諸臣若學士豐熙、脩撰楊維璉、舒芬、編修王思皆相率求去。鴻臚寺少卿胡侍劾璉。至千餘言。刑部尚書趙鑑曰：臣刑官也。請得而理之。御史段續陳相曰：宜正之典。刑以謝二宗。上怒。切責鑑。謫侍潞州同知。收拷續相。俱外貶。璉等益翱翔高論。請與執政辯難。上前以折再詔之。誤。兩考之非。因條上禮官欺妄十三事。吏部左侍郎何孟春亦發十三難。破之。吏部員外郎薛蕙為人後解二篇。人後辯二篇。以進。上復切責孟春。逮蕙。拷訊。請判解州。上屢傳諭內

閣去獻皇帝冊文本生二字、毛紀費宏石瑄上言二字、上  
係宗廟內、干宮闈、以御宸衷、未易輕改、七月上御平臺、召  
三臣責之曰、爾等無君之臣、乃欲誤朕為無父之子、乙亥、  
復御左順門、更定聖母尊號曰聖母章聖慈仁皇太后、以  
後四日己卯、上冊寶、丙子、禮部侍郎朱希周等上疏曰、本  
生二字、無貶也、惟恐妨于正統、故默寓夫親親、陛下考孝  
宗、如張太后、再上尊號、斷自宸衷、告之郊廟、社稷、詔頒天  
下、未及三月、忽復更定、無以孚天地信、後世上曰、趣具儀  
其日、群臣爭者三百二十七人、而何孟春為之首、疏入、皆  
留中、戊寅、朝退、孟春語諸臣、尚如憲宗朝故事、跪哭、文華

殿諸公勉之。脩撰楊慎曰：國家養士百五十年矣。伏節廷諍正在今日。簡討王元正給事中張珩御史王時柯等因遮留諸臣金水橋南。曰：萬世瞻仰在此一舉。於是尚書秦金侍郎朱希周都御史王時中等二十有三人翰林院學士賈詠豐熙等二十人給事中謝晉等十有六人御史余翺等二十有九人吏部郎中余寬等百二十二人大理寺寺正母德純等十有一人凡二百二十一人俱跪伏左順門大呼高皇帝孝宗皇帝是時上齋居文華殿聞故傳諭曰：群臣休矣。事在朕。群臣咸曰：得上旨乃退。大學士毛紀石珪因言舉朝臣工伏闕執諫陛下奉天命臨九有當使

衆志大同。公論諧協。舍己從人。乃為上聖。上曰。恭穆獻皇  
帝神主。且至。冊祝已具。不可卒更。姑退待命。群臣伏不起。  
自朝及午。乃命錄諸姓名。收繫為首者。豐熙、張紳、余翺、余  
寬、黃待顯、陶滋、相世芳、母德純、凡八人。楊慎、王元正、撼門  
大哭。一時群臣皆哭。聲震闕廷。上大怒。遂命并收馬理等  
百三十有四人。皆繫之。何孟春等八十有六人。以卿佐姑  
令待罪。己卯。上號章聖皇太后。己并繫待罪者二百二十  
人。奪何孟春等俸一月。自四品以上者。豐熙等八人。並付  
拷訊。編伍。五品以下皆杖之。甲申。興主至自安陸。上奉以  
謁奉先奉慈二殿。上尊號于觀德殿。曰皇考恭穆獻皇帝。

辛卯上加扶揚慎王元正、劉濟、安磐、張漢卿、張元、王特柯者七人。編伍削職有差。調何孟春南京工部。而毛紀又去矣。是舉也。死者十有七人。則編修王相、王思、給事中毛玉、裴紹宗、張原、御史胡瓊、張曰韜、郎中胡璉、楊淮、員外郎申良、主事俞禎、許瑜、藏應奎、張燦、殷承叙、安璽、司務李可登。上乃復下前後留中諸疏。令群臣博議。於是席書已為禮部尚書。乃上議。伯孝宗兄武宗父。獻皇帝別為禰室。奉主不入太廟。上意甚愜。大禮遂定。以九月丙子祭告天地宗廟。詔天下自是故錦衣衛百戶隨全。故光祿寺錢子勳。皆以罷閭之官。益言獻皇帝宜遷華天壽山下。群臣議皆曰。



不可乃罷上定安陸祠曰顯陵祭如七陵儀四年三月命  
脩獻帝實錄改陵署曰神宮監安陸衛曰顯陵衛皆黃屋  
增拓紅門神厨光祿寺署丞何淵復上言獻皇帝乃入繼  
太統所自出之帝請立世室太廟以禘享之疏下禮部議  
群臣又以為不可即璉萼亦謂不可私語席書上意觀德  
規制未備耳於是書等請於甄城之東皇城之內擇地立  
禘廟前殿後寢邊豆牲腊歌章樂舞一如天子儀前開神  
道從闕左門進不與太廟同陝四孟歲暮以次日祭親盡  
之期一如孝廟制曰可無何又以親盡之期祧如孝廟非  
所宜其再議書復上議太廟之制有殿寢祧室孝廟當遷

之期藏主祧室歲暮出合祭獻皇帝別廟無昭穆遞遷臣  
以為親盡之日宜藏主寢殿歲暮出主祭如太廟合祭儀  
上可其奏名曰世廟萬子孫世世無遷也何淵復以獻皇  
帝與祖宗一氣乃不得同門而入更議之復用學士總等  
議命絲廟街門鑿神宮監以通輦道明年上又以觀德殿  
在奉慈殿後地形墊隘規制尚缺其改建奉先殿之東八  
月世廟成更撰樂章用文德之舞上既奉安獻皇帝神位  
復命內閣考求章聖太后謁廟禮大學士費宏等以為但  
謁奉先殿為便上復以席書議必謁世廟上為扶持安太  
后體既入廟上從行事亦曰天子主斯禮也六年改觀德

殿曰崇先殿。隨金何淵復言世廟樂舞未備。楊一清言世廟不用武舞。讓太廟也。又獻皇帝生長太平。無武功。上特用璵議。兼用文武樂舞。十月上親製顯陵碑。七年命統錄追尊獻皇帝始末。命名明倫大典。楊廷和等論罪有差。復以獻皇帝尊謚止恭穆二字。無異藩王。因加上恭睿淵仁寬穆純聖獻皇帝。以安陸州陵寢所在。特免其徭。十年封松林為純德山。從祀方澤。次五鎮言者復請建安陸州為京師。禮官言京師唯天子之都得稱之。乃改安陸州為承天府。縣曰鍾祥。增廩生歲貢。與鄉試解額。十三年改稱家廟曰隆慶殿。十四年以世廟迫近河水。改建太廟東南。更

稱獻皇帝之廟十七年九月故通州同知豐坊請建明堂  
加尊皇考廟號稱宗以配上帝上下其議是時嚴嵩為禮  
部尚書議無可否戶部侍郎唐胄上疏曰三代之禮莫備  
於周周公制禮作樂而文王適其父故宗祀以配上帝非  
為有天下者皆必以父配天也皇上纂統之初推明一本  
力正大倫者席書張瑰桂萼方猷夫霍韜數人而已數人  
於陛下忠臣矣苟可將順豈有愛焉然及何滿有建廟之  
議書璉諸臣皆極沮諛陛下必欲不廢明堂之制復古禮  
文則推本太宗皇帝上配於昭乃周道也書奏上怒曰文  
皇帝誰祖獻皇帝誰父朕為人孫子有輕重乎下胄錦衣

衛考訊削籍為民嚴嵩復會群臣上議考季秋成物之旨、  
嚴父配帝之文、獻皇帝侑享明堂、允合周道、上曰、奉考配  
帝、宜自朕始、復使群臣議稱宗、皆上言祖始也、宗尊也、宜  
加宗皇考、配帝明堂、永為不遷之廟、上又以群臣意不祔  
太廟者、皆溺詩書古文、不能通曉、乃託為臣下奏對之詞、  
親制明堂或問、以為配帝宜稱宗、稱宗宜祔廟、於是禮官  
請奉皇考祔於孝宗之廟、既上詣視寢室隘、乃仍奉主獻  
皇帝廟、時裕則享于太廟、是月辛巳、上廟號睿宗、尊謚曰  
知天守道洪德淵仁寬穆純聖恭儉敬文獻皇帝、祔太廟、  
禮成、當飲福受胙、上冕旒、糾結如交龍、一珣冒袞袖、正當

繪龍之吻。若獻珠然。上喜曰：結者綵也。是惟天眷祖考。因製福瑞賦。辛卯奉獻皇帝配享上帝。玄極殿十二月。皇太后崩。議遷顯陵合葬天壽山之俗。尋已之。議南祔。其明年上南狩。視顯陵。既至。享上帝龍飛殿。奉獻皇帝配。乙酉。祭顯陵。上悲思。瞻碩而作歌焉。命其殿曰稜恩。將還。召承天父老。賜酒肉。免承天府田租三歲。湖廣五之一。遂遣勳戚大臣奉慈宮南祔葬焉。其後重建太廟。成。上又以獻皇帝廟尚在都宮之外。乃親定列聖神位。昭穆之序。奉享太廟。以脩四親。命有司歲享隆慶殿。如宗廟禮。己顯陵。甘露再降。禮官請祭告二聖陵寢。以答神貺。從之。四十四年。芝產。

獻皇帝曰廟殿柱乃名廟之前殿曰玉芝宮門曰芝祥前  
門曰寶慶後寢曰大德殿前殿如太廟奉二聖神位四時  
歲暮大小節辰設牲帛後寢奉神牀曰上食如奉先殿云  
而興王蔣妃都城蔣數女弘治五年冊為興王妃事王恭  
順常製女訓十二篇以廣教化世宗入承大統即位三日  
遣人奉迎安陸使主者議推尊禮上以不決母妃將至禮  
部尚書毛澄請先遣文武大臣各一人逆于通州其至京  
繇崇文門入東安門上迎于東華門不許已請繇正陽右  
門進大明承天端門午門之東王門入宮又不許遂諭聖  
母至從御道入朝廟群臣諫謂母妃無謁廟禮已禮官具

王妃車上。又不許。妃至通州止。不入者旬日。遂竟以皇太后儀謁奉先。奉慈于大內。不廟見。久之。上尊稱皇太后。至十五年四月。郊廟享禮成。尊號曰章聖慈仁康靜貞壽皇太后。封太后弟玉田伯。十七年。建慈寧宮。奉居之。十二月。太后崩。越三日。上勅禮工二部。南遷顯陵。合葬大峪山。尚書夏言極言其不可。上不聽。而御史陳讓請以衣冠合葬。上怒曰。腐儒斥為編氓。而尚書當迎旨。請決計南迎。持宮上既念之。以風塵蒙霧。中大不寧。遂止。崔元等三使母行。上太后尊謚曰慈孝貞順仁敦誠一安天誕聖獻皇后。時二三輔弼親信之臣。亦靡然影響。莫能贊上意。上曰。惑不決。



明年元日復促三使如前旨已又決計南巡諸大臣皆諫  
不聽御史劉賢給事中曾珽工部郎中岳倫次第沮駕上  
怒奪賢珽俸罷倫職太學生陳良昇特疏下錦衣責問之  
三月謁皇考于承天隆慶殿立表曰玄宮之北完新宮焉  
因御行殿享上帝脩秩祀朝諸侯發德音以撫遺老勅大  
賚以賑罷民駕還過慶都立廟祀堯母曰帝堯父母異陵  
可知合葬非古仍命葬聖母于大峪山已而巡視未善復  
決返葬之議作新宮如前旨以駙馬崔元為奠獻使甲申  
發引上袞服與百官步送朝陽門外舟至采石磯上不可  
泊太平府同知梅山鑿岡維舟上聞甚喜加梅山爵一級

七月庚申、遷獻帝旧室、合塋于新宮、辛酉、舉慰祭于永孝殿、幸未奉主、祔獻皇帝廟、上皆率皇后行禮、論從事顧璘等五十有一人、賞有差、

論曰、興王祐、樞即不尊稱、其賢孝溫厚、嚴正自持、頗為天之所予、而反以世宗之過、尊使地下、居僭逼之名、祔廟稱陵、于孝廟稱不弟、凌長疑貴、便于憲廟稱不子、王樞之心安乎、否乎、世廟入嗣、德十五身、抱至性、必欲尊其所生、与太祖孝慈錄之、論喪母、必欲厚其所生、一也、特以諸臣之抗疏過激、乃至已甚、帝未免求勝耳、觀互易一語、萬古不易、時岐王不再傳、而益王祐、櫝子若孫、

天下以比蜀王賢何定策者猥不念典獻之止有獨子也夫無子而繼出不得已有子必無之以塞他無子絕一以續一豈情也哉或益王子幼不妨收養宮中主司香而以益王監國譬之以弟承兄景皇故事益王賢所稱愛民重士受事必理且後之踐祚者即其子可必無父子互易之嫌矣夫支可絕本不可絕二語甚言有國家者當以承祧為重不似支子之可或不繼蓋預絕骨肉爭端以安大業此有分解不是必絕支以續本之謂也讀此習聞二語不解而數百口議之沉湛摧折不顧執禮之大概以衡情之至真來時諸公不論教

而得焉。悟君之道亦更有法。諸君子其深求之。

岐惠王祐楡、益端王祐楨、衡恭王祐禪、雍靖王祐楹、  
壽定王祐楷、汝安王祐桴、涇簡王祐樞、榮莊王祐  
樞、中懿王祐楷。

岐惠王祐楡，憲皇第四子，母邵皇后。國德安。弘治中，請迎  
母養德安，不許。諸王有子別居者，得迎養其母。有子  
多，亦從一字。魚子者，移別宮，著為令。妃王氏，亡子國除。  
益端王祐楨，憲廟第五子，張德妃生。國建昌。本荆邸也。荆  
王時，常有大蛇自梁蜿地，朝退，若有人據王座。荆王疑，屢  
坐是不朝，請改封。封蘄。王楨性儉約，中服盥，至再，日一盥，不  
習恬淡。兼好書史工楷。愛民重士，無所侵擾。奸人班明誣

昌國王通楨有迹謀久之竟得白享國五十二年子莊王  
厚燁嗣燁孝友忠敬雖富而如御亦誨之詩書薨弟恭王  
厚炫以崇仁王進封自奉儉辭祿二十石聞宗人產子至  
四五者輒嘆曰不費國糜貳燁子翊嗣翊好結交當世  
士大夫接引如不及饋燕不給常假于外天下初賢藩二  
蜀典益云萬曆中詔封益王甲使者將蒞王薨禮部侍郎  
郭正域按聘儀遣喪入境則遂也不郊勞不筵几不醴賓  
主人事畢歸賓上受饗餼諸侯相聘必致立命况天子乎  
卒遣使行自端王六傳為慈灸乙西南都不守南昌亦旋  
破災捐贊募士以建昌起時按察使王棧兵巡道王養正

咸共事而王素不得人。以保寧王乙贊謀盡。益悖。械養正  
與分較去。七月之二月。保寧王開門入北兵。矢跳保寧初  
北去。旋拔婦。又間脫走閩。頗受唐主方畧。卒。子永寧王  
初。較沒。王世子年十四。偕所部立依潮州鎮平。諸生賴其  
肖。丁亥。守潮北師攻鎮平。肖奉世子令出敗之。殺父。總兵  
戊子。李惠國復為明守。以其肖提督閩廣。奉世子出兵攻  
破福之漳州府及永定平和二縣。旋失之。世子赴桂。主行  
在。其肖與兩弟仍守鎮平。不終。先是王負敗。將軍常法與  
子由。棹由。樵。皆不屈死。汝字玉池。號壹公。棹字文由。臨難  
語極不恭。樵字文藻。時宗室元長自沉。如妙觀池死。

衡恭王祐輝。憲宗第六子。國青州。母張德妃。在位五十二年。子莊王厚燭。以江華王進封。嘉靖中辭祿五千。以贍宗室之缺。有賢聲。恭王支子新樂王載璽。嗜古好修善文章。常為皇明聖政頌五十篇。致美高皇帝。崇禎甲申。賊圍城。璽大募帑守城。亡全。南都敗。奔去不知所終。

雍靖王祐標。憲宗第七子。孝惠邵太后子。三興王及岐雍二王也。國衡州。弘治中。王即震壞。屢見怪異。亡子。國除。其壽定王祐椿。憲宗第八子。母姚安妃。憲廟選妃江南。妃嘉禾人。初髮短。慮不中。過吳江縣之平望里。髮忽委地。長可八尺。時因名其里曰八尺。為之謠曰。平望八尺爺娘不識。



以父母不意其髮如是也。國保寧時岐王之世絕。正德初，  
徙王德安居其邸，無子，國除。

汝安王祐棖，憲宗第九子，母張德妃。國衛輝，棖郊迎世宗，  
南巡甚恭，加祿五百石。王五十一年，亡子，國除。

涇簡王祐楫，憲宗第十子，母楊妃。國沂州，傳子尊煊，薨，亡  
子，國除。

崇莊王祐樞，憲宗第十一子，母潘端妃。國常德，正德初，尚  
留京邸，奄劉瑾惡王，與吏部尚書張綏謀逐樞，樞促就國。  
樞狀貌類高帝，常詔府太守于門，畜牛羊多，以王府表其  
角，淫民禾稼，請得食鹽策戶。嘉靖初，盡取沅江、酉港、天心

園坪淥池河泊後。王樞六支傳孫載瑾。明季不知所終。  
申慈王祐指憲宗第十二子。與溼王同母。封叙州。未之國。  
薨。國除。

論曰。益王祐。擯居荆王藩邸。而遂大蛇絕跡。毋敢擅夜。  
踞王座者。王節儉溫惠之能。走異物也。子厚。燧。厚。炫。以  
詩書悟寺御宮中。辭祿為國惜費。可称國爾忘家者矣。  
况燒子翊。剗折節下士。称長者。較之蜀世。元血幸無華陽。  
悅耀之房。差為過之。其季也。皆能捐貲拒守。而蜀闔宮  
被難。尤慘于益。岐。雍。壽。涇。申。大無子。國除。汝獨以壽無  
子。衡之。丹傳厚。燧。辭祿。瞻宗有賢聲。其支載。璽。能文章。

崇禎甲申。衡亦拒守如益。而能變姓名。棄家亡去。以稱  
潔身。榮王祐樞。狀貌酷類高帝。夫六世孫而追似其祖  
也。乃無甚殊異。太祖稱燕王。類我。則真類我也。已。

光○無○甚○夜○無○太○卧○林○游○王○儲○非○現○真○饒○也○  
樂○原○樂○王○赫○卧○林○遊○胡○儲○高○第○大○六○世○怒○而○遊○州○其○蘇○  
光○蘇○甲○申○游○以○卧○中○以○益○而○游○交○數○以○集○眾○上○去○以○蘇○

孝宗一王

蔚悼王厚焯

蔚悼王厚焯。孝宗第二子。母孝康皇后。三歲薨。追封予謚。論曰。孝廟稱賢辟百斯所宜。而張后酷好。無他子。即安得以他子更為子。

興王一僭王

岳懷王厚熙

岳懷王厚熙。興獻王第一子。母興國姚太妃。生五日不祿。世廟內嗣。追封岳。加謚。識墓。承天女四。皆僭稱公主。論曰。興國宜以興世。次封宜二字矣。世廟欲尊興而反。

缺正祀神不散適餒之矣。在太廟禮不得與在世廟勢  
不能久在祫祀例不次及。然則徒稱岳封不立與嗣竟  
無與祀哉。不聞神光之間必尊。繼統而以百世不遷與  
興獻也。幸其祧而不及祧。總之食是而不安。必吐。故曰  
世廟絕興享。即欲封熙。封熙興而破例為興。後庶幾近  
之。

世宗五王

景恭王載圳鄭希顏穎彊王載貞成懷王載墜薊哀王

載墮均思王載墜

景恭王載圳肅皇第四子盧靖妃出妃素不喜上上常笞責之十八年再冊莊敬皇太子即日恭王與裕王同封裕王後得立為穆宗也己而莊敬皇太子薨群臣請立裕王為太子上以嘗兩立太子皆不祿未乞而裕王與景王並邸居方士或言上二龍不相見于是召二王膝見有年王圳年雖少不聞事而左右之人妄有窺覲形跡相擬直宿或及裕王寢次群臣嗤、日夜望裕王得立而上春秋高

惡聞羣臣之及二王者三十八年上下建帝立儲旨其明年則忘之矣故春坊中允郭希顏失職家居乃上疏曰臣往歲恭讀聖諭欲建帝立儲道路相傳以立儲賀臣度立儲未也莫先安儲何謂安儲君相相信則儲安兄弟相保則儲安父子相體則儲安相信有道釋疑是也相保有道分封是也相體有道總攬是也希顏意以初楊繼盛之計相嵩有面問二王之語嵩怒見殺今立儲事恐必為嵩所持故首及之而總攬又帝隱也奏入上不悅相嵩等復言希顏疏意可疑當令禮部會三法司同議上諭嵩曰疏中一疑字却未了夫立子為儲帝誰可建者自沒前旨建帝



二字復子詔奸邪必無赦理以君相位久矣不忠之臣不  
義之民皆恨不速行新政于是給事中藍璧等奏希顏怨  
望傾險大逆不道法司擬坐故言惑衆律斬傳示天下希  
顏既誅其冬令景王之國旨夜半從中出國安陸盜入王  
故邸遺火焚其宮主者懼以盜坐律誣郡丞倅與其邑人  
飲此所致撫臣王之垣為平反此獄至四年薨上謂相階  
曰此子素謀奪嫡今已矣初圳之國多請莊田戶部以天  
子愛子悉覆給荆州有沙市者商賈之輳圳請并及之知  
府徐學謨執不與議成輸金王府中圳怒責益急市民皆  
竄去圳執奏學謨而相階持之下撫按學謨執如初坐調

歸州竟不得沙市。荆民感學謨，改沙市為徐市。又劉家壩者，漢陽之聚，州亦欲薪之。推官吳宗周不與。長史高岱素直節，以宗周啟入白。王事亦罷。其他楚中田土湖陂可數萬頃，州皆侵入委賦于民官，不敢問。王薨無子，妃當奏計。至是計乃出，長史岱上問相階：「無誤乎？」階曰：「誤恐復大請。」遣一信臣往護王喪。階念府中所侵土田湖陂，即少緩諸藩行，繼請矣。并勅籍所司復為荆人業。國除，希顏隆慶中賜卹錄。

穎傷王載皇，世宗第五子。殤。

戚懷王載翬，世宗第六子。殤。

薊哀王載壇世宗第七子殤

均思王載風世宗第八子殤

論曰世廟不奪于王圳之母而獨受過裕玉是不可解  
觀此子奪嫡一語則左右窺覷形跡相擬上夙知之而  
不禁矣建帝立儲之旨帝自為文理想此時意動欲便  
以大歸與裕以故輒及之及乃諱言猶之請朝莊敵而  
得罪摠之畏言老姑不令知言入耳天子家事非口舌  
所能爭中允乃欲直言無諱乎立儲二字已拂聽保儲  
三事釋疑分封總攬豈宜大言相嵩曲贊世廟之日乎  
妖言之律雖不合而以死故景王乃之國則保儲實自

希顏矣。景王貪扶寵，多據取，幸早世，倘動搖國本，其禍  
世又在繼嗣加紛也。穆廟踐祚，即不長而有後，誤送  
冊寶，天為之紿。

此段文字極為模糊，似有「...」等字樣，但難以辨認。其內容可能與前文所述之「冊寶」及「天為之紿」有關，或是對此事件的進一步論述。

此段文字亦極為模糊，難以辨認，可能為旁注或跋語。

穆宗二王傳

靖悼王翊甲潞王翊鏐

靖悼王翊甲、殤穆宗第二子。

潞王翊鏐，穆宗第三子，與神宗同母。隆慶元年，冊封國衛。揮一再傳，王由和性慈易，有賢聲。甲申國變，諸大臣議稱尊南都會鳳陽，巡撫馬士英等以福王入，序當立。前議不果。乙酉五月，南都復不守，太后奔杭。潞已避，唯允至。太后允諸臣箋請，以潞王監國。方三日，發遣治兵。北師疾至，總兵陳弘範久，艤舟城下，乃入。勸王決計，郊迎百姓，畏見兵革，皆曰：王愛我，而以我北叛也。時諸生沈秉倡議，盡遷。

閔外居。民入城。俾宿兵北禦。此守猶可以幾。裂地百姓以  
非王子愛本意。競前裂其屍。一刻盡。適楚宣諭將軍華堞  
在抗。哀麻入謁王。說以恢復之計。有田國祚憫。詎至於此。  
極撫膺北睇。何以為生。以大王之賢。遠近所共聞。天下絕  
智。殊力方將。憑附起周之孫子。能無睖然。宋人半壁。亦嘗  
有年。况閩粵滇蜀。延袤萬里。猶吾故履。失今不為。時事一  
去。萬世不復。朱矣。他日求尺寸地。為死所。豈可得哉。王不  
省。頗以不擾民。全城為義。華堞又曰。理有大小。務有緩急。  
今日之事。不宜以殺人為諱。屠子任盜賊。稍補萬一。猶為  
之持踵而泣。婦人之所為慈哉。王曰。子休矣。余不勝事。即

亦非百姓之心。葦堞作色曰：忠義雖性成，在乎鼓舞之。我謝弗加，彼何望而不跂向他民？王卒濡弱，託糗饋不給，必務為知幾。葦堞嗚咽頓足曰：王不觀古事，有諸王以其國奉人而得長世者哉？王終不听，角巾便服，乘小輿，僕料餉，芻率諸在事諸官員，合表謁。於是總兵官方國安、鄭洪連二旅壁城下。久，國安與北伏，不勝渡江。洪連竟走仙霞，獨錢塘知縣顧咸建得良奉王命陪講，咸建痛憤求死，輒走歸。建至，就法，自有傳。六月三日，吳突起舞，不能蹴武林一步，而王北去，竟不返。

論曰：明末以潞易福，或不獎士英。張諸逆魏之黨，顧亦





毅宗三王傳

懷隱王慈照永悼王慈煥定哀王慈燦

懷隱王慈燾烈皇帝第二子母周皇后歿追封懷王謚隱  
葬西山

永悼王慈煥烈皇帝第三子定哀王慈燦烈皇帝第四子  
俱田貴妃出甲申二月變後事附見太子慈娘傳及賊自  
成挾二王太子東禦山海敗還二王尚在軍中已携太子  
西奔二王不知所終有靖南藩下汪漢冲者云嘗見定王  
於涿州時為東師所得矣甲申五月福王立南都十二月  
水西門民王二捉西城兵馬司有僧身称先帝親王詔令

中軍都督蔡忠、建僧都督府治。時戎政忻城伯趙之龍錦衣掌堂馮可守與蔡忠同勸僧冒稱定王以國變出家。法名大悲和尚。且云皇帝難做，欲淫供坐致太平乎。吾不為也。潞王賢明，諸大臣宜獎成讓德，復牽引錢申二大臣責以此事。詔再會勘情辭影响。或曰：大悲係齊庶宗，上叔父行也。坐痢疾放言，斬首西市。辛丑六月，陝西渭縣執獻男子一人，年三十有二，號朱君應，冒稱定王。從行四人：董易、張三耀、羅起鳳、李應祥，並詣獄簿對不屈。膝自供如前，咸伏法。

論曰：懷封夫無可論，此為真夫。若永定之封，坐不真而

以證偽。夫終明之世，有十四偽：  
一、偽讓。皇僧揚行，祥託楊應能，以  
塞實錄之訛。遂滋數百年之惑。  
二、偽齊。王搏、福陽、男子、棲  
連，自稱七府小齊王，以冠邪黨，名護衛，圖煽惑，搏素坐罪，  
因立決。一、偽奸人。賀錄以房中術悅崇王，遂偽約樂和，王  
次子歷騷，供帳。一、偽楚。王華奎及宣化王華璧，先恭王以  
王妃兄王如言子及言族弟如綽子，稱學生。一、王楚。一封  
宣化及華樾，誘之。輔臣沈一貫、沈鯉，互為黨，起大獄而事  
竟不白。楚遂有以牛馬為之譏。一、偽寧濠。三郡王初眷屬  
咸就執伏法，而復有真郡王名朱學者，潛霍丘，獲送高牆。  
一、偽慶藩。安化將軍高材、高材坐送，寘燔死。沒有大

十和尙者被逮。鞠之實將軍萬材。乃知前死者偽。一偽。  
皇太子慈娘。駙馬都尉王昌族子王之明。初諱稱王子。繼  
以河南俱讞思故太子。遂改稱猷。慙一受山呼。而自是  
俞文淵。荏保生。俞子以等。咸坐匿偽者而死。又明未有  
偽神武年號。而無其主。貢生馬鳴雷等。乙酉以兵北抗。假  
稱新主。更立南都。馳詔三吳。條恩例十九款。思以鼓衆。而  
于是嘉興精嚴寺亦開讀新詔。就聽者數萬人。皆偽也。而隨  
有大悲和尙之情詞。影響而隨。有滑縣男子朱君。應之  
對簿。不屈。皆冒稱定王。已偽。皆盡。而尙有偽姓者。掉  
頭海外。與波上下。

宗室未詳封派

宗人沔新錄

妻時寰 誼泉

十至

親慈燃王杞人个衲李

蘭臯

俞子在鉞乾官善詞

沔崇禎中以宗室換授為嘉興府同知。號得民。甲申國變。思北動不果。明年乙酉。鄉紳翰林屠象美動眾北抗。以沔能護府篆。復有嘉興守之力。竭城破時。沔守北閔。縊殉城樓之上。

新錄崇禎中以宗室貢例授中部知縣。甫之任。廉而愛民。流賊掠度。逼中部。新錄度城小不支。先令妻妾就縊。一妾年頗少。欲遣之。妾涕泣不肯去。錄遂與同縊。死詔旌之。

時寰失其名。崇禎末，以貢例未選。唐主即位閩中，窮來歸。補福清知縣。丙戌，閩事敗，郡縣皆以帝行在無恙，率掛剗去。欲扈駕，寡死職者。時寰曰：朱氏子安得討他家？活闔戶，令家屬先盡，而身自縊死。

誼泉，失其名，西安宗室也。登崇禎中賢書。癸未，賊攻城，且破。誼泉與陝西解元席增光俱投井死。

慈燃，以宗室登丙子鄉榜。乙酉，微走萊州，與諸生滿之章觀變金陵。會之章敗，無所動，匿去，不知所終。

王杞人，係宗室子，變姓名，潛遊豫粵之間，常題闕壯繆祠壁百字，令一闕，追論朝事，意以國家之亡亡于賄賂情面。

及朋黨三事。閔曰：好令大帝知此。後署報菴王杞人題。  
个衲者，入陽支也。為諸生英逸，試輒別軍。甲申國變，慟哭。  
矣。家度為僧，初駐錫太子菴。已閉關，界燈寺。能書畫，吟亦  
工。語及時故，黯不答。或勸還俗，笑謝之。蓋徃也。野外及夜，  
深得其悲酸之聲。

李蘭皋，以宗室子。甲申後，潛海寧。諸生俞子久家。時山澤  
中咸借名以禦貨，或邀蘭皋。蘭皋不赴，而頗為衆知。別案  
敗連及蘭皋，慷慨就刑，不變色。久之，子久亦坐。是死  
在錢。藩商洛王第四子，失封後，義隸苑。普吳振甫等陰  
為翼贊，數起數跌。壬辰以後，遂巡入浙。潛菴之白竹塢，有

唐起凡者。塢。分埋壯士于各邑。出沒虛爪。青山大源山。  
詩。又山。周公塢。東門塢。諸處。無所就。奉漢中命。與閩海臺。  
灣。聲息。遙應。桂封。起凡。崇仁伯。唐緝。靜胡將軍。亦分五軍。  
周君太前都督。李魁。後都督。王大。有左都督。章國平。右都  
督。監軍。通。甲。替。糧。通。程。彦。夫。等。俱。有。印。勅。北師副總兵  
水師營王可就。字向明。五捷。次第陣歿。獨章平。有女。名龍  
姬。習。妖。術。能。剪。狐。驅。戰。後。敗。國。平。不。知。所。之。而。龍。女。亦。隱。不  
復見。娥字。西。怡。純。命。時。不。屈。

善詞者。某。蓓子也。髮。走。天童。薙髮。氣。恠。凡。稍。有。圭。角。少  
同伴。不合。去。之。遊。靈。隱。或。至。徑。山。衆。惡。者。所。果。特。殺。之。不。



屈死并坐餘杭之飯善祠者。

論曰。汚以嘉興新錄。以中部時。裹以福清。咸死其職。而誼泉慈性。以鄉薦。未徑食祿。亦臨難不苟。始知祖

姓原有交通任使之法。而歷代膠而不化。致使祿窮于無用。求一大都督如國初文正其人者。不可得。維城之謂何。至于蘭臯之為李杞人之為王。冒他姓以存其姓。播匿之更有苦心者。我界燈寺住持亦播匿之選也。而更難中部妻妾之殉鑠。福清闔戶之死。唐而蘭臯播匿而猶不免。則更慘。古禮勝國曰客。俾守其先人禮樂。然則不足以及後。